

11 nív
DV

Kvennalistinn varar við afleiðingum verðbólgunnar:

FÓLKID EIGNALAUST OG FYRIRTÆKIN GJALDÞROTA

Landsfundur Kvennalistans um helgina benti á að í 40% verðbólgu nú, þar sem skuldir einstaklinga og fyrirtækja eru verðtryggðar og með háum vöxtum, leiði verðbólgan af sér stórfelldar eignatilfærslur. Fundurinn taldi ástæðu til þess að óttast „að innan fárra mánaða standi skuldugt fólk uppi eignalaust og fyrirtæki ... verði gjaldþrota.“

Fundurinn andmælti áformum ríkisstjórnarinnar um flata neysluskatta en mælti með veltusköttum og stighækkandi eignasköttum. Þá var lögð þung áhersla á að framfylgt verði lögum um bann við vaxtaokri og stuðlað að vaxtalækkun. Harðlega var deilt á afstöðu ríkisstjórnarinnar

í húsnæðismálum, lögð áhersla á endurskoðun lánskjara og lýst stuðningi við stóráukna byggingu leigu-húsnæðis og búseturéttarhugmyndina.

Á þessum landsfundi Kvennalistans sátu þegar best var mætt um 80 konur úr öllum landsfjórðungum. Fjallað var um alla helstu þætti þjóðmála og utanríkismál og ályktað um þau. Í samræmi við skipulag Kvennalistans var þetta opinn fundur, enda engin formleg landsamtök á bak við. Auk málefnaumræðna kom í ljós mikill áhugi á fleiri sérframboðum kvenna en áður.

-HERB.



„Aldeilis glimrandi góður, starfsamur, skemmtilegur, fræðandi og jákvæður,“ sagði Kristín Halldórsdóttir, þingmaður Kvennalistans, um landsfundinn í Gerðubergi um helgina. DV-mynd GVA.